

Mega Bumper SALE • Mega Bumper SALE

3^{pa} 25.00

3^{pa} 50.00

3^{pa} 65.00



VIA UNO
SHOES

Selected Items Only!

Certified Megamall #150 L.G. Smith Blvd. Tel: 588-7290

Den casi un tira mi a lesa "E soño di wawa"

Mi tin e suerte di haya den mi man manuscritonan of bukinan di nos autornan prome cu nan wordo presenta publicamente y esaki a pasa tambe cu e buki **"E soño di Wawa"** di autor **Ernesto E. Rosensand** cu mañan atardi ta wordo presenta den Biblioteca Nacional. Si mi no ta kiboca ta 3 or atardi, pero awe ta haya sa e ora oficial pa publica esaki mañan.

Mi no a pidi Sr. Rosenstand pa publica riba e buki aki pasobra den e **"Derechonan reserva"**, ta para cu **"no ta permiti multiplica...etc."** No ta para cu no ta permiti pa opina riba e buki.

MI A PEGA SOÑO TAMBE

Den dos tira mi a lesa e buki aki. Mes cansa cu Wawa tabata cu el a pega soño, mes cansa mi tabata e prome anochi cu mi a cumenza lesa y a pega soño na pagina 48. E anochi siguiente si mi a cumenza lesa for di pagina 45 y a yega final y ainda cu deseo di por a lesa mas di **"Wawa" su soño**. Asina interesante e buki aki reparti den varios capitulo ta.

Lagami cumenza na menciona cu ta trata di un buki pa mucha, y mi ta sigur cu tur mucha di 8 te cu 80 aña di edad lo lesa esaki cu mes smaak cu ami cu mi casi 100 aña a lesa e buki y a desea **"mas"** di Wawa.

E autor a cumenza splica kende ta Wawa y con e mucha di Playa aki gusta un mondi. Su nomber ta Eduardo, pero Wawa ta su nomber di cariño.

Den lesamento y cerando conoci cu Wawa y con su mama no ta gusta pa e bay mondi, bo ta nayabo te momento cu su ama a rabia cune, mande pa su camber y aki el a pega soño. Bo ta lesa lubidando e parti aki y ta hayabo den mondi hunto cu Wawa cu a perde y haya su mes cu **Ma Shoko. Ma**

Shoko a dune su prome les di Mondí y nan a yega te na Arashi unda Wawa a haya sa di e nomber aki y di indiannan cu tabata biba aki. Nan a topa den mondi cu **Bichinan di candela** y e episodio aki tambe ta tenebo ocupa lesando pasobra diripiente Wawa ta krimp y bira mas chiquito cu Ma Shoko.

Ata Wawa anochi den mondi y Ma Shoko ta mustre e **"chimichiminan"** cu ta percura pa bestianan haya simiya for di nan maracanan pa parada di bestia y masha colorido.

Bo ta lesa y na dado momento ta como si fuera bo mes ta den mondi, pasobra e lesamento ta asina interesante cu bo ta **"mira locual bo ta lesa"**.

Un di e bestianan cu nan a topa den e parada di bestia tabata **Compa Nanzi**. Ma Shoko no a conta Wawa kico el a papia cuchi cuchi cu Compa Nanzi, pero si cu nan ta **"Yukuri"**. Aki tambe Wawa mester a tende historia di e lugar di Indian aki, di cacike **"Aramis"** y di

"Camacuri" y e spañonan.

Na dado momento Compa Nanzi a anuncia **fiesta** y Wawa a haya sa cu bestianan tambe sa fiesta. Ademas el a bin haya sa di guera entre bestianan, danki na storia di **Raton di Anochi**. Wawa a bin haya su mes tambe na **"Barcadera"** y ta durante e señalnan cu tabata ser duna di tera pa lama y for di barconan pa tera, pa contrabando tuma lugar, mi a pega soño.

MESTER SIGUI LESA DEN UN TIRA MAS

E siguiente anochi mi a dicidi cu mi no ta ay drumi prome cu mi caba di lesa **"E soño di Wawa"**. Mi a ripiti lesando di Barcadera y tur locual a tuma lugar aya, pa mi pasa pa sa kende ta **"Skerchi"** cu tabata e siguiente capitulo. Mester corda aki cu Wawa a krimp y ora cu un pahra grandi a baha bin riba dje, ta sconde el core sconde bao di hala di Ma Shoko. E pahra aki a resulta di ta un skerchi cu despues tambe a bira un amigo di Wawa.

Wawa a tende storia di skerchi y el a haya interes pa mira bao di awa di lama pa mira e bida colorido y piscanan di tur colo cu tin eyan.

Ta **Compa Calco** cu nan a topa a bay di acuerdo pa hiba Wawa bao di awa. Y ta manera e autor mes a skirbi, **"Wawa no tabata sa kico tabata sper'e aki"**. E aventura bao di awa ta masha bunita pa lesa y nan ta topa cu **Soldachi** cu tambe a keiro cu Wawa bao di awa.

Den su keiromento cu Compa Calco, Wawa ta topa tambe bao di awa cu **"Coma Malfa"** cu a tuma Wawa riba su lomba y mustre **"Camber di reinan"**.

El a ser conta e storia di reinan y tambe di e malesa cu a caba cu nan y con e palacio a perde su claridad y bira scur. Ta cu luz di Compa Malfa por a mira e bunitesa di e palacio su paden y e camber di reinan.

E aventura aki por poco a caba na malo pasobra **"Compa Merme"**, e bestia mas peligroso bao di awa no tabata mucho leu den su pos. Compa Merme a wordo captura y cera y tapa den e pos.

Ora cu Wawa a caba di mira Compa Merme y cu el a ser puntra kico mas e kier, e contesta cu a Sali mes ora di su boca tabata **"Mi kier bai cas!"**

Despues cu nan a pasa den un aventura cortico cu un **"pisca di coriente"** nan a yega cerca Compa Calco y despues ta Skerchi a yega y yuda Wawa haya Ma Shoko cu lo percura pa resto di e storia pa e lesado sigui y no pa mi conta su final.

BUKI PA MUCHA PA HENDE GRANDI

Hopi biaha nos ta tende di **"Buki pa mucha"** y ta pensa cu ta buki pa muchanan di 5 te 10 aña of di 10 pa 13 aña y cu nan no ta buki pa **"hende grandi"** lesa. Un lesador ta saborea e bukinan aki, sin importa cu ta mangel pa mucha, pasobra nan ta bolo tambe pa adultonan saborea.

Cualquier adulto cu lesa **"Soño di Wawa"** lo goza di e storia aki mescos cu cualquier mucha y mi ta recomenda e buki aki pasobra ta hopi cos cu a pasa den mondi y bao di awa mi no a conta, lagando esey pa e lector di e buki.

Juby Naar



www.diarioaruba.com

The way business moves!

DIARIO
Online
E Matutino di Aruba